

UNIVERZITET U TUZLI

Broj: 01-110-JN-26/18 LOT 4

Tuzla, 03.04.2019. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, Rješenja Ureda za razmatranje žalbi BiH, Filijala Mostar broj: JN2-03-07-1-462-9/19 od 28.03.2019. godine, a nakon razmatranja Zapisnika Komisije o ponovnom pregledu i ocjeni ponuda broj: 01-110-JN-25/18 LOT 4 od 02.04.2019. godine, po punomoći Rektora Univerziteta u Tuzli broj: 01-5936/17 od 18.09.2017. godine Direktor za ekonomske poslove donio je

O D L U K U

O DODJELI OKVIRNOG SPORAZUMA I UGOVORA

I

U okončanom otvorenom postupku javne nabavke konzerviranog i zamrznutog voća i povrća za potrebe restorana Studentskog centra sa sukcesivnom isporukom do 31.12.2019. godine (LOT 4) izabran je ponuđač „Redex“ d.o.o. Banovići sa ponudenom cijenom u ukupnom iznosu od 18.091,94 KM sa PDV-om, te se istom dodjeljuje okvirni sporazum i ugovor o nabavci.

II

Ponuda ponuđača iz tačke I ove Odluke ocijenjena je kao najpovoljnija iz razloga što ispunjava sve uslove postavljene u tenderskoj dokumentaciji i što je po svim svojim elementima, uključujući i ponuđenu cijenu, prihvatljiva za Univerzitet.

Obrazloženje

Univerzitet u Tuzli pokrenuo je postupak javne nabavke konzerviranog i zamrznutog voća i povrća potrebe restorana Studentskog centra sa sukcesivnom isporukom do 31.12.2019. godine (LOT 4) s namjerom zaključivanja okvirnog sporazuma sa jednim ponuđačem putem Otvorenog postupka javne nabavke broj: 01-110-JN-1/18 od 04.09.2018. godine, objavljeno na portalu javnih nabavki “E-nabavke” broj: 795-1-1-96-3-108/18 od 21.09.2018. godine i ispravke obavještenja broj: 795-1-1-96-8-110/18 od 04.10.2018. godine u Službenom glasniku BiH broj: 67/18 od 28.09.2018. godine i broj: 71/18 od 12.10.2018. godine te web stranici Univerziteta. U ostavljenom roku ponude su dostavila dva ponuđača „Redex“ Banovići i „Bosna-kom“ d.o.o. Gračanica. Nakon evaluacija pristiglih ponuda Odlukom broj: 01-110-JN14/18 LOT 4 od 06.02.2019. godine odabrana je ponuda ponuđača „Bosna kom“ d.o.o. Gračanica. Na navedenu odluku ponuđač „Redex“ d.o.o. Banovići uložio je žalbu koja je Rješenjem Ureda za razmatranje žalbi BiH, filijala Mostar broj: JN2-03-07-1-462-9/19 od 28.03.2019. godine usvojena i poništena donesena odluka o izboru najpovoljnijeg ponuđača. Postupajući po konačnom Rješenju od Ureda za žalbi BiH Komisija je izvršila ponovnu evaluaciju pristiglih ponuda i konstatovala slijedeće:

Ponuđači „Bosna kom“ d.o.o. Gračanica i „Redex“ d.o.o. Banovići dostavili su sve dokaze zahtijevane tenderskom dokumentacijom zbog čega su ocijenjeni kvalifikovanim za dobro obavljanje posla. Međutim, ponuđač „Bosna-Kom“ d.o.o. Gračanica u svojoj ponudi za artikle pod rednim brojem 8. „Paprika fileti crveni-I klasa (staklenka, neto sadržaj 2200g)“, rednim brojem 9. „Paprika list žuta-I klasa (staklenka neto sadržaj 2500g)“ i rednim brojem 10. „Paprika punjena kupusom – I klasa (staklenka 2500g)“ ponudio je proizvode koji ne zadovoljavaju zahtijevane uslove iz obrasca za cijenu ponude tj. ponuđeni su proizvodi za koje je utvrđeno da su različite netto težine od zahtijevane. Zbog navedenog ponuda ovog

ponuđača ocijenjena je neprihvatljivom i u daljem toku postupka nije se poredila sa prihvatljivom ponudom drugog ponuđača

Ponuda ponuđača „Redex“ d.o.o. Banovići zadovoljava sve postavljene uslove i ista je po svim svojim elementima, uključujući i ponuđenu cijenu prihvatljiva za Univerzitet.

Zbog činjenice da je u postupku javne nabavke nakon konačnog rješenja Ureda za razmatranje žalbi BiH samo ponuda jednog ponuđača prihvatljiva, to se „e-aukcija“ u skladu sa odredbom člana 3. stav (3) Pravilnika o uslovima i načinu korištenja e-aukcije nije provela.

Budući da ponuda ponuđača “Redex” d.o.o. Banovići u svemu zadovoljava zahtjeve Univerziteta predviđene tenderskom dokumentacijom i ima prihvatljivu ponuđenu cijenu Komisija je predložila da se istom dodijeli okvirni sporazum i ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

Prilog: Zapisnik o ponovnom pregledu i ocijeni ponuda broj:


01-110-JN-25/18 LOT 4 od 02.04.2019. godine

Rješenje URŽ-a broj: JN2-03-07-1-462-9/19 od
28.03.2019. godine

DOSTAVITI:

1x učesnicima

1x a/a



DIREKTOR ZA
EKONOMSKE POSLOVE

Fuad Čerčić, MA ekonomije